

**Dé avrì l'üs o Balsarina**

No me fa più stà de fòra  
crudelaza traditora  
che adòs e m' vé la brina

De avri l'üs o Balsarina.

**Sti no m'avri e t'impromèt**

de butarte zó mi l'üs  
so bé che ti me fa i füs  
crudelaza patarina.

De avri l'üs o Balsarina.

**Horsù ti te gh'é ü gran tort**

a fam sta in sto torment  
chi de fò ch'eg sopla el vent  
che par proprio la marina,

**pur hormai L'è quasi di**

e mi sto za com un ócha  
e la neve in cho me flócha  
che la par propio farina,

De avri l'üs o Balsarina.

**Se chilò me vedi i Sbir**

i me cazzerà in presù,  
ma credend che sia ü ladrù,  
aldi aldi che i camina

De avri l'üs o Balsarina.

**A te vedi per sto büs,**

che ti bèi col bocal,

ti sta bé e mi sto mal;

pasiensa pò che ol ciel destina/De avri l'üs oB.

**Ah de maledèt sia quand**  
venüt so mi in sto paes  
no staria in ste contes  
se füs stat in Vo!tolina,

**Ah me senté dré a möri**  
ahi che rabbia g'ho in del cör  
oimé che per ol tò amór  
vadi tut in zaladina  
De avri l'üs o Balsarina.

**Ma se mör e t'impromet**  
che te saltarò mi adòs  
dove mai ti havré ripos  
né de not né de matina  
De avri l'üs o Balsarina.

**Horsù ades a vaghi via**  
fa che te governi bé,  
Balsarina, ue, ue, ue,  
che diavol me strasina,  
De avri l'üs o Balsarina.  
che ol fiat me scampa fò.

Fò òòòòòòòòòòòòòòòòòò